

興國縣志卷之四十四

藝文十



國朝詩

陳沂震

字起雷號狷亭吳江人慶符知縣行取

萬礫龍泓

雲山重疊水分派巖壑彌深路彌隘耕耘跡斷樵牧稀
中有神龍藏狡獪龍行上天水為宅澄潭深窈人不測
祇憑噓吸水爭趨噴薄飛泉落千尺經過墟莽苦迢遙
崎嶇詰屈行三朝却從峻嶺下深澗接踵引臂如猿猱
乍窺奔瀧已心喜漸覺碎銅聲入耳然異境非人間

興國縣志

卷四十四

藝文 國朝詩

一

絕壑崢嶸不容趾褰裳濡足踐危石沫沫跳珠頻濺激
舉頭峭壁插青冥迸散懸流轟霹靂水歸龍窟便如龍
蜿蜒天矯常飛空上盤下折勢不足銀河雪練難形容
同行年少誇矯捷直上巉巖心不懾憑高對瀑境彌親
愧我孱軀跡難躡咄哉異境人不知紀載訛謬傳聞疑
探奇闢險由明宰羈客遭逢豈自期峯巒蔽虧雲物晦
未晦已訝陽鳥墜策杖歌呼度嶺歸只愁潭底驚龍睡

靈山

龍泓歸途興未闌羣山黯黯雲漫漫役夫憂雨勸風駕
我未決策猶盤桓熟聞靈山亦佳處山下蘭若潔且寬

邱成和字昭衡寧都人

同諸子遊仙女潭宿靈山寺聽次燈上人彈琴
巖際上湊激隨飄點客衣怪泉穿石骨崩谷漏山暉共
坐窺魚樂追攀羨鳥飛武陵真大好此境亦忘歸

再過激江

仲冬雪後激江路遊子輕裝去復來楓葉到家連日落
梅花作客幾時開慣逢蠻婦譏糠覈懶共山都索舊醅
行道何緣盡相識暗誇明宰玉堂才

陪吳江陳狷亭先生並騎投東邨宿明日步至釣
臺回舟觀龍灘險處二首

興國縣志

卷四十四

藝文國朝詩

三

馬蹄蹀躞出寒原暮色催鞭幾處邨明日相迎尋亥市
吳楚俗取寅申巳亥日集於市故名亥市今墟集是也隔溪來宿叩晨門詩情又

占頻年夢酒力先招此夕魂最愛扶攜皆好友清宵一
榻共陳蕃

蠶叢聞似步猶難笑顧迴驂盡解鞍山骨琢來雲外聳
渾心環立日中寒嚴陵是處應埋迹石里於今欲執竿
再駕輕舸穿萬疊激江從有使君灘

南華菴

柳根初繫艇晚霧擁山菴燈火明峯頂江流染蔚藍幽
香風外落奇趣月中探那問蒙園叟南能正可譚

楊

玠字承玉卽墨
人贛縣知縣

讀萬磔龍泓記

物闕靈奇俗子隘聞見平固萬磔泓惶惑訛言煽張
 公喜搜剔林壑窮幽變握衣下犖确側身度箚菑異境
 逢知得山靈眷搖筆恣鐫刻龍伯紛弔唁酈元注
 水經前奔借後殿昨者歲在寅龜坼及波淀僕亦忝縣
 尹大懼昊天譴步禱龍滄穴心搖目成眩水簾瀉高岑
 直下垂匹練橫空高弩飛跳石千珠濺倒射轉淵騰奮
 怒成酣戰巖谷晝杳冥肌肉暑寒顛滿耳鳴鉦鏡倏覺
 天地旋苦無大手筆坐令開生面睜目賞奇文靈窟彷彿見安得假如椽兩山一洗滌

興國縣志

卷四十四

藝文
國朝詩

四

李鳳雛

字紫翔東陽
人曲江知縣

讀激水志林奉寄

橫渠先生今鉅儒胸羅萬象工錘鑪文條詰屈枝扶疎
 追躡騷雅轍庾徐入直却厭承明廬要施庖刃型方隅
 政清訟簡人嬉娛用以經術飾簿書退考平固古輿圖
 山川盤鬱雲卷舒秀麗直甲東南都百年文獻半有無
 惜哉邑志全荒蕪非吾徒責其誰歟乃呼毛穎為前驅
 楮先生與陳佗俱夜深難燭時躊躇抽我秘笈行書厨
 百城部署供補苴搜巖剔壑窮沮洳石鐘鈞鉚愚溪愚

儼如柳子南州居又如海外眉山蘇鯨吐鼉擲奇變
百靈幽怪爭奔輸文章助得江山餘燕公謫宦幾歲除
志成衆體兼先逾水經續注訂謬誣應劭風俗通豈殊
襄陽耆舊傳不如間擬爾雅箋蟲魚農田水利倣河渠
軍師租調詳井間齊諧蠻語亦有諸煮鷓刈穢怪可吁
或脩殘缺完前謨或闢蠶叢開魚鳧我亦快讀撚戟鬚
屈宋衙官餘子奴豫章郡邑錯繡區印纍綬若人分符
張星孤耀文明敷金精木客羣嘯呼平生著書浩江湖
邑乘新載張華車我來學海披冰壺驚拾萬顆明月珠
不俯首拜我非夫東軒老樹榮不枯蒸出芝菌敷英腴

興國縣志

卷四十四

藝文 國朝詩

五

使君純孝所感孚文章德行世楷模作詩相贈良非諛

常日字元裳

次和

史家編纂須鴻儒蔡袁邑志攻鞫鑪事湮年遠紀載疎
黃公弟及後行徐况逢氛祲寇井廬干戈日夜防四隅
安得筆墨爲歡娛致多闕畧羞成書皇皇張公考輿圖
製錦開荒妙手舒鳴琴政蹟聞通都懷保煦嫗鳩鵠無
勞心事事闢榛蕪啟衰振倣非公歟公乃諮諏親載驅
徵求文獻日與俱訂訛正謬相躋躋琳瑯大啟甲乙厨
山經水注供補苴胸涵江海兼沮洳燕石無復宋人愚

此邦幸獲公謫居亦如嶺嶠得韓蘇搜巖剔壑奇畢攄
瑰異珍錯相灌輸蒐羅不使有遺餘惟有蕪穢加芟除
繩引墨削矩勿逾信今俟後夫豈誣一筆一削史無殊
班固十志似相如箋疏小不遺禽魚條分縷析如引渠
披卷宛然見井間風俗不同信有諸刈薇燒蕙俗可吁
長歌悼歎存典謨六年作令駐飛鳧上繼剛峯張鐵鬚
夜以繼日親燭奴不以小邑視區區絃歌果與武城符
瑞徵芝草見榮敷庭柏爲巢鵲噪呼仁聲洋溢東西湖
恨不花封一駐車坐我清冰白玉壺學海分照夜光珠
鏡成逝肯惠夫夫咀嚼精華潤槁枯如厭膏粱得雲腴

興國縣志

卷四十四

藝文 國朝詩

願言邁止深感孚遙奉清塵當哲模直據所見言無諛

張探 字紫芝廣昌人 心遠廬集

靈山紀勝

環澗多頑峯茲山靈所屬懸崖捲匹練峭石撒珠澱奔
流若雷轟細響恍絲竹我來天氣寒異卉尚芬馥蘭蒨
白瑞香歷亂綴山曲竅篠穿仄徑芭蕉與方竹空巖石
氣青恍覩蔽天綠山僧解好事分題競刻燭清晨理遊
筇云了仙潭局折入數里餘出畏峻嶺觸目眩神已疲
扶攜轉予潭深不易臨取徑入巖腹巖竇十八間間
間折且蹙距潭近百武嵌空勢轉促手臂相因依蛇行

而匍伏諸君意與豪蹴踢如平陸老我脚力衰睨視亦
驚忽淪茗品寒泉卧磴藉芳藪誰以石投潭隱隱雷聲
扑悵然憺忘歸頽陽淡西麓

林

棟字楊子
晉江人

獅子巖二首

乍開一徑入溪濱相對悠然隔世塵大士巖高雲作伴
孤僧寺僻鶴爲隣心牽水石還容我山隱漁樵遠避人
檻外烟迷峯路斷歸時恐失武陵津

分明別自有員嶠到處尋幽歸興饒出樹鐘初沉下界
梯雲人欲上層霄倒懸夕照峯深淺暗鎖秋陰寺寂寥
興國縣志

卷四十四

藝文
國朝詩

七

同是遠公留客地東西林隔一溪遙

林

植字立人
晉江人

前題二首

深山深處見樓臺日午晴嵐半未開繞寺禽聲如贈答
插牆峯影似飛來不妨獨領林泉趣况有同遊庾謝才
一路幽奇吟不盡禪房題破壁間苔
長林薄暮歸途遠又復攀躋看翠屏一線微分巖上路
半天斜出石邊亭人隨鳥度鐘初動僧待雲歸戶未扃
回首靈山何處是孤峯烟靄欲無青

楊

旃字古度
武進人

丙戌六月既望張明府損持招同熊來周池渠園
劉宗衡遊仙女潭次靈山寺從瀧下水泛舟夜

歸

曲江金閨彥作吏儘不俗趣與時流別治行首耕讀公
餘恣冥搜勝侶隨芳躅沓嶂夾籃輿蒼翠芬簇簇漸入
仙徑殊蔗境笑捫腹有時瀉石溜泠泠漱鳴玉肘腋清
風生隆暑忘鬱燠仙潭復何在指點窈空谷磴道紆羊
腸捫蘿倦匍匐先至仙女潭陰崖靜杳杳靈異此蘊蓄垂瀑
珠落盤清音類琴筑矯首訝天窄側徑行更跼諸公乃
軒舉舒嘯往而復濟勝我無具顧視恆瑟縮三山咫尺

與國縣志

卷四十四

藝文
國朝詩

八

間悵望空孑孑想像烟霞升珊珊環珮觸玉女騰雲車
往來見閃倏靈山遙相望慈雲自連屬香鑪峯撐青空
氤氳儼在目傍列鐘鼓峯結撰迥奇突蘭若依層顛碧
巘當窓矗竹木何菁葱高下鋪濃綠山僧獻靈芝云自
巖際掬我行悲泛梗對此滌氛俗况復座上客一時秀
蘭菊鬪茗又飛觴心脾沁芬馥名士竹林追良會河朔
續主人興未慵理棹舍原陸父老跪牽車肴核陳野蔌
壯哉下峽舟駿馬馳鞿東注落千丈強磋磨一線蹙亂
石攢萬點流沫湧百斛篙師手足掉三絨石下嚙水每
下灘相戒勿語得毋神龍蟠啾譁驚水族有如御風行激湍任

奔逐取樂至險中卽此悟倚伏回首望潺湲蒼茫飛野
鷺明月逗遙岑清光自穆穆泉石賞無盡登陟趣已足
茲遊實快意紀勝待更僕好景恐亡逋作詩競巧速使
君陶謝手同遊盡名宿慚予蚓竅響小巫窘邊幅

熊履廷

字來周
豐城人

前題

遙出城北門歷落尋幽路此鄉山水佳一一窮其趣太
史舊風流遊興天特賦招邀盡逸才雙屐幸相附是時
旭初明炎威猶未布四野望蒼茫邨虛鎖殘霧涉川復
陟岡草濕衣沾露百折境愈深林壑莽回互大小石巘

興國縣志

卷四十四

藝文
國朝詩

九

岼奇狀時或遇獅立而虎蹲杵懸亦刀仆整冠欲拜之
熟視轉生怖肖形訝屢變回首卽非故僧居頗有年且
覺桃源誤勝境解迷人豈關魍魎如咫尺仙女潭聞名
踴躍赴潭隱萬峯間險徑隨僧度自茲捨筇輿各騁濟
勝具盤折梯磴危苔滑驚芒屨攀松聊停喘捫蘿始移
步峻嶒鳥道懸不敢頻下顧層巒出遠空蒼翠見無數
衆嶺狀嶽嶽宛若兒孫護問潭潭何在恍聞灑甘澍峭
壁對千尋日光線微吐偈仄勢難通手足幾無措匍匐
碎蘚痕臨深安所懼仰窺穴透天清泉時倒注珊珊環
珮響琅琅珠玉雨取以沁詩脾奚啻飲瓊乳陰寒難久

留靈山遂夙慕丹崖碧巘重亭午寺中駐柑橘列廣除
濃陰四隣聚香鑪恰當門旁有鐘鼓傳右枕觀音巖巖
高狻莫度大士巖腹居匪由人工塑寶像云飛來霜雪
豈能蠹萬仞削孤屏鍊色堅且固石筍插青冥秀絕塵
不污殿後引登樓巡檐圍竹樹烹茶餉客殷高雅識情
素蟬鳴方丈幽粘壁讀佳句胸次頓灑然炎蒸變寒沍
驕陽忽已斜歸舟疾於羽屈曲瀉灘流順馳若輕鷺疊
嶂起烟嵐溟濛迫薄暮近郭影參差波白升蟾兔探索
幸未周悵然懷莫訴願假此身閒就中十年住

池漾錦

字漢園
金谿人

輿國縣志

卷四十四

藝文
國朝詩

十

前題

我負山川情未能愜所欲駕言陟靈山驅筇再往復無
勝不窮探首造仙潭曲仙潭不易窺匍匐蠖伸縮仰首
見天光潭底受微昱渟渚碧澄澄泉響倅絲竹餘流出
前崖淙淙暗渟蓄云有蛟螭潛燃犀不能燭是時天氣
清驕陽猶未晝返步陟高岡崖飛千仞瀑取次及靈山
峭壁倚天矗中有大士巖仰睇如金粟寺卽當其前豐
碑舉首讀前對香鑪峯烟雲時閃倏夕陽忽在山啟行
不待夙出谷引同遊迤邐遷山城宿入夜興倍清涼月生
華屋

劉紹權字宗衡
南昌人

前題

靈山再四遊，搜剔匪容易。林泉俯仰間，往時初有記。茲獨殊厥遭，實惟太史意。籃筍指烟岑，炎威夫何憚。盈漾草露珠，錯落林間翠。取道從巖坑，盤迴入深邃。丹崖列繡屏，淨麗容開背。怪哉金蝦蟆，幾歲月中墜。一石各老蛤蹲踞約半畝石杵砧，無隣砮砮干霄勢。一石高可百丈俗呼棒槌石三休凌萬仞，遙嶂合位置。燦如俎豆陳，肅若兒孫侍。松濤謾謾鳴，悟彼鈞天吹。濯我邱壑心，仙泉瞥然至。洗手掬天漿，甘寒沁心胃。削成根虛無，雙壁勞仰視。倏見西山陰，羲和輟其轡。惆悵別龍泓，爰止鍊船寺。盤餐從我適，豈遂無禪味。少焉出山南，耳目紛有寄。父老樂豐年，舞林迎長吏。藹藹若家人，願公留一醉。公謂爾無然，予心嘉爾饋。翻然下漁艇，去看江如駛。澎湃般晴雷，奔騰馳上駟。真疑老蜃龍，鼓鬣從茲逝。江名瀧下水蒼蒼暮靄浮，點點漁燈碎。山圍月難上，近郭方間霽。平岸矗樓臺，掩映金波內。停橈入城闈，宵籌已更遞。茲遊我尤幸，所歷前俱未。賸有物外情，未必此無媿。拜手向山靈，所秘祈終惠。

興國縣志

卷四十四

藝文
國朝詩

七

遊金斗山

漸拂嵐雲露石稜，堆厓拾級逞先登。山腰已覺孤城伏

峯頂還看遠樹層隱見澗光裁素練斷連畦影碎春冰
幽尋自是靈岑好曠莽還驚得未曾靈山不如金斗之
曠金斗不如靈山
之爽此太史
二山評語也

梁

奎

字聖徵江寧
人迴龍巡檢

劉宗衡見示邑長太史公偕友遊靈山之作不揣

輒和

山胡以靈稱此中多奇秘應接尚不暇摹寫豈易易騷
人喜遨遊卽景以詩記余聞神欲往披圖觀大意蒼松
如虬龍未識何年植白雲封石亭濃陰繞晴翠便覺滌
塵襟幽閑愜高致圓峯狀鉢孟乍看凝雙背石筍殊峩

興國縣志

卷四十四

藝文
國朝詩

三

峩霜露千年墜縱然不解籜頗有凌雲勢幻作猛虎形
耽耽自雄視猙獰不噬人留與神僧侍澄泓一空潭碧
波文藻吹傳說仙女來少長序以次祥雲騰紫烟縷縷
氤氳至香鑪遺令名洵哉非虛僞玉泉噴驪珠揮灑蛟
龍字晝夜寫懸巖中有前朝寺右偈插天崖仰之心膽
悸猿狖絕攀援早暮浮雲寄厓半復有巖大士從中置
環碧水共山流峙最工緻方竹天削成磊砢畏多刺斲
之當扶筇翩翩恍若駛洞口芭蕉陰滿地玲瓏碎罅隙
透月光點點明星暫况復月池清相映長空霽我將疑
梵天不在方輿內名山閱荒蕪搜剔賴仙吏珠履盡佳

賓縱橫飛藻思雅歌兼舉觴玉山頽然醉不減昔賢遊
從此傳勝事自慙非葛彊習池缺隨轡何時結良朋俾
予素心慰高唱遏雲端學步每多愧挑燈發夜吟鼓掌
幾忘寐

吳家騏

字雋綺
吳江人

重巖厓

路窮山愈高四睇怪而赭一步一危級來此絕壁下橫
羅百罌盆攻鑿非力假緊豈失瓊漿空半挂玉尊腹行
窺幽宮點滴飛雨灑寂寂水底天悅覩鏡光冶石縫露
凝蘭谷罅風撼檣劉郎去不還流水空鳴瀉洞口碧桃

興國縣志

卷四十四

藝文
國朝詩

三

花悠悠付誰者

內為仙
女潭

鄒公寨

錢塘昨夜無江潮天目雨乳王氣消虔州孤旅行類禡
一聲霹靂牙旗焦峯堯數壁行府駐猶在雙江萬山處
清猿亂啼妖鵬嘯忠魂遙護冬青樹崖山塊肉餐長鯨
柴市頸血膏青萍西臺雲氣半點黑擊碎如意蒼天驚
蕭蕭故壘指危巔滿城笳鼓今何年山阿無人晴月白
荒烟漠漠聞啼鵓

宿寶石邨

落日明遙岫投鞭叩竹籬綠蕪三畝芋黃土數間茨門

倚呼猪婦媵歸叱犢兒平生耽野趣迢遞故園思

譚孔經字玉書
贛縣人

宿靈山寺

仙潭分徑下平田古寺斜依怪石邊峭壁半龕棲佛相
懸厓百尺濺珠泉虬松偃蓋遮丹嶂玉筍如椽卓碧天
此夜揮絃兼索韻雞鳴風雨不成眠

鍾令公讀書巖

令公遺跡古結伴恣冥搜壁立山疑盡溪通徑轉幽危
厓憑棧度怪石似舟浮巖有石
如舫天半松風細書聲彷彿
留

興國縣志

卷四十四

藝文
國朝詩

古

楊陸榮字采南
青浦人

同吳晉綺孝廉次文興橋抵敦邱歸訪對嵩巖晚
至妙明寺留宿

靈山遊甫歸

三日前同晉綺
遊靈山諸勝

幽討今已再肩輿向城北

齷齪鬧闐闐清風忽曠野如洞出深晦坡陀簇馬蹄低

昂越駝背從來頽石橋

文興橋石
皆赤色

洗耳聽清濺濺江源

自茲湍駛亦澎湃高松結輕陰十里雲灑灑繁花爛紅

白左右引雙睽山田稀連塍尺寸判畛畛生耕雨一犁

時節插秧居崇巖突嵌空精鐵兀相對彎環壁四旁窈

窕却窪內奔流瀉石罅百派時一匯羣巒抱獅頭參錯

聯伍隊玉敦古制存狀肖此為最敦邱俗名長逕口歸張太史易今名

途及未晚恣意搜幽怪行行入山腹折折得勝槩洞竅

耿窻隙石覆訝釜蓋巖溜玉屑霏四氣偏陰靄奇峯三

十六數與嵩高高配嘉名錫對嵩巖向名雙龍名亦太史所易曰出義

有在黃昏上白月輕寒薄衣帶佛火指妙明投宿愜夢

寐我來古平固急了山川債日月餞一閒心目遂雙快

惟欠仙潭遊憶昨發深喟前遊靈山諸勝惟仙女潭未至

張參魯號後邨吳江人

寶劍篇

厓石山形勢絕勝信國文公開府時嘗登焉後

興國縣志

卷四十四

藝文 國朝詩

五

人於其地得寶劍疑公故物也

劍氣動有神往往燭牛斗英雄昔寶之摩挲長在手想

見信國公開府上此阜揮劍令三軍鶩鶴成行走惜哉

天運移支厦捉衿肘識留更歷五剝極陽當九身騎箕

尾去劍亦沈埋久碧血詎思化爛斑土花繡一朝出泥

滓拂拭光如舊白晝魑魅藏中夜蛟龍吼山靈未寂寥

與劍偕不朽宋太祖問歷數於陳希夷對曰五更頭凡五歷庚申而宋祚移矣

秦娥行

俗傳娥為楚產得道能生雲布雨來興國止焉

土人神而祀之碑記載娥侍父自楚來此終身

不嫁以養其父因作此解以當迎送之曲

娥之來兮雲從紛靄靄兮兆歲豐娥之去兮乘雨霖霖
沾漑兮長我禾黍娥有親兮不忍離親欲嫁娥兮親老
倚誰娥奉親兮沒齒孝可通神兮宜百世祀望娥不至
兮娥無我違几席陳兮甘且肥室養黃耆胥服娥教占
雲而課雨兮羣進而謁娥廟

吳陳琰

字寶崖
錢塘人

木客吟

何年木客成阿房自言山中木作糧區區木實便不死
安用辟穀仙人方狂歌痛飲詩家事偶墮人間恣遊蕩
興國縣志

卷四十四

藝文
國朝詩

六

楚人一炬客長存月落壺傾共誰醉

寶劍篇

千尋峭壁何崖嶸白雲去來風雨作孤臣隻手提天綱
土花斑斑蝕劍鏑大節凜凜人中龍燭天劍氣如長虹
如虹之氣歸何處賸有清光騰碧空

萬松歌

城南古壩江滔滔地形爭指宜崇高海公出宰為民慮
課民種松松作濤萬松生意今盡矣忠介芳名仍不死
後來仙吏得張君謬謬清風滿人耳

陳

珏字比之
海陽人

秦娥行

君不見宋時孝女陳三姊辛苦養親采菱米又不見東
滂屠家女酷貧採薪績麻供瞽親親死廬墓不肯嫁二
女名芳百世下興國秦娥來自楚侍父晨昏惟藝苧兒
如適人父誰養父欲嫁之終不許吁嗟生男勿喜女勿
悲有時生女勝男兒豈知至性存巾幗奈何舉女棄如
遺秦娥至孝關世教邑人山頭為立廟興雲與雨疑神
仙從來神仙出忠孝

楊

侃字百穀
新淦人

遊金斗山

興國縣志

卷四十四

藝文
國朝詩

七

激江多疊嶂金斗何岩堯招尋愜素心軒蓋共聯鑣飛
雲倏團結細雨祛煩歆水田畫細塍濃綠滋良苗繫馬
前邨樹鼓勇攀山椒屈曲盤石磴健步學老樵路危松
壑杳人語寂無囂仰首藤蘿翠纓帶峭壁腰山僧出巖
穴躡屐半道邀須臾躋絕巘屋瓦建高標四望極滢漾
呼吸動層霄坐客多英彥氣比凌雲鵬鄙人泥所見跼
踖笑鷓鴣胸中有塊壘頻借酒杯澆醉探盧禪巖空洞
涵參寥悠然山水心發興豈憚遙

李

杜字次說
邑人

前題

拾級層峯上鄉城一望分泉添秋過雨巖宿夜歸雲烟
火冥濛辯溪聲隱約聞飄然人境外不復染塵氛

厓石砦

稜稜精鐵削羣峯森簇青冥似列壙石骨當秋空翠薄
山腰欲雨密雲封周遭故壘遺憑弔黯淡殘陽憶折衝
堪笑亡猿窮枝日血腥幾污玉芙蓉

黃文澍

字雨田
信豐人

同蕭綱山譚玉書遊東龕

蒼崖忽破曙光開澗底人行繞綠苔樵語隱聞天上出
白雲時見足邊來劒分萬仞非頑鐵鬣起千年吼迅雷

興國縣志

卷四十四

藝文
國朝詩

六

相對徘徊已薄暮霜林落日照荒臺

曾

字學鉏
寧都人

天花寺

月色平於岸風寒欲下霜烟含青嶂白楓壓綠溪黃繫
艇尋幽處敲門到上方參天垂古柏歷遍幾滄桑

陪狷亭陳先生遊瀧石釣臺二首

寒凝白露印汀沙出嶺松梢掛日斜上下瀧名留翰墨

張太史作
瀧石記

高低路仄擘烟霞峯腰百疊排霜劒石齒干

層走浪花却喜追隨同歷覽巉巖指點似三巴

陳曾作
令蜀中

捫蘿曲折可循行負壁危橋手獨撐瀧下安瀾橫白石

山高擁翠作青城邱昭衡以青城目之一竿直視乾坤小幾縷遙
瞻雲霧生太史搜奇傳不朽千年復有釣臺名

北斗菴

楓林霜樹插天根曲徑寒塘漾水痕斜傍松杉安石磴
更攀蘿薜到山門荒邨日落牛羊下古寺雲深鳥雀喧
何日身倚天北極參辰環立繞薇垣

由三僚荷亭達平固途中口占

執手荷亭曉色寒籃輿整頓惜囊慳盤迴迥出高低路
俯仰頻瞻遠近山萬壑雲埋溪水綠千邨霜壓樹林斑
行來赤坎地名方平坦衰草淒淒落照間

輿國縣志

卷四十四

藝文 國朝詩

九

蕭師諤字恂眉 會昌人

同黃雨田譚玉書遊東龕令公巖二首

嶽崎石骨喜窮搜為訪遺蹤結伴遊溪水九迴山忽斷
板橋百步徑通幽鳥窺碧洞雲初放珠落銀河雪欲浮
谷口樵青閒指點振衣清獻暫淹留

令公巖迹未曾湮况有文章託後塵鉛鉚到今人是柳
桃源一去地非秦石緣瘦削凋青髮水自漣漪濯錦鱗
南康記令公放鯉魚於溪戴以金圈其後魚背皆有金圈痕不盡徘徊今古意半山

斜日照遊人

謝

芳字蕙草 邑人

重陽後登羊山

每懷羊嶺最高峯此日登臨一望空天外白雲時出岫
路旁黃菊自成叢方山疊嶂遙連北澗水頽流只向東
木落荒邨人影斷數家茆屋倚山楓

遊令公巖二首

閑中尋勝事相過嶺之隈有景僻須往探奇倦亦來廢
橋存舊址古木削層苔綠水柴門繞人歸月滿臺
古人今已遠遯隱此巖隈一自朝天去何曾化鶴來問
年山不語覓寺磴封苔待振秋風翮凌空直上臺

謝廷煥

字賡三
邑人

輿國縣志

卷四十四

藝文
國朝詩

三

對嵩巖

羣峯三十六排戟峙遙天巧自巨靈劈名因太史傳青
蓮開島外翠影落巖前何異登封望嵩陽埤堦懸

王紹曾

字二廉
邑人

磔下山

數里迴峯勢蜿蜒山僧結屋入雲烟檐牙錯落相聯綿
曲徑蒼松翠篠穿足音空谷聞蹇然猿狖狎客尾連顛
山半有池清且漣芙蓉倒影碧嬋娟旁掛奔崖百尺泉
撒珠下注聲潺潺相傳神物潛其淵能作霖雨澤山田
我來茲山歷有年癭藤無勝不流連每逢石丈必周旋

呼取衣冠禮拜虔或命枯桐寫七絃神怡如讀逍遙篇
置身恍在終南巔安得居士李龍眠繪茲圖入草堂懸
萬壑千峯几案前不用夸娥二子遷盪胸雲氣落栢椽
廖應梓字恭士
邑人

鄒公寨

危巒百折負孱顏磊石爲門揜仰關天意布新移宋祚
軍心矢死輔文山斜陽不返揮戈照故壘消殘戰血殷
四百餘年知者少何人弔古共躋攀

龔

黃

字漢牧
潛山人

山陽磔

輿國縣志

卷四十四

藝文
國朝詩

三

百丈山陽磔人家半嶺浮路從溪口下水自石腰流沙
撒邨燈亂香來草木稠宛然蘄楚意削竹覆山樓

程水作

江干柳眼綠新抽江步名因侍父留今古人傳程水渡
飄零身倚木蘭舟一經已入春風坐千里遙同立雪遊
鴈後花前頻悵望楚山何處是登樓

木客吟

秦宮天下膏楚火咸陽赤我聞建宮時徵求殫民力伐
木蜀山中青燐白骨積父老爲余言時有採木客年年
上洛山木實延朝夕秦政恣暴殘賢者遭其厄避地多

隱流詭跡不可覈桃源非人間圯上有黃石

天子今聖明四方寬徵額傳語深山人可以出無役

周一煌字旦曦
新城人

前題

客兮客兮何所着姓氏無傳以木託名材採盡蜀山童
五步一樓十步閣秦宮灰燼客不灰歷漢而唐客上洛
松陰高枕石頭眠饗殮但取松腴嚼偶來沽酒到人間
斜倚黃爐和月酌酒清月白賦新詩詩成酒盡還巖壑
我將攜酒入其山傾壺弄月應如昨

鍾名模字季木
邑人

興國縣志

卷四十四

藝文
國朝詩

三

寶劍篇

有宋三百年天下孤餘崖石開府者縱橫欲酬三尺劍
劍去匣空無可把神物不隨興亡盡熊紫氣燭荒野
願斬白帝歸漢王中興道消傷諸夏後人拾得泥土中
拂拭新疑鑄歐冶猶是文山一片心屈折肯任悠悠假
持向風塵求烈士不遇英雄賞識寡

東龕巖鍾令公讀書處

令公去後苔封逕長有山靈護舊軒月作青燈懸石室
松爲翠幕偃雲根綠崖花色霞光碎轟壁泉聲雨勢翻
幽邃恍疑探禹穴當年秘籍幾函存

劉應彩 字羽三 邑人

洗藥池

吐飯成蜂事亦奇不知仙跡隱於斯
綵雲已散燒丹竈碧甃空傳洗藥池
涓滴寒泉無復在清冷風珮更何之
長生雖近荒唐論却疾延年似可師

吳之章 字松若 長寧人

禊飲江東古祠

碧檻垂楊睡起三踏青士女遍城南
條風細拂輕衫暖靈雨初零淑景酣
滿眼鶯花春欲暮頻年客路我何堪
歸聞折簡流觴召惆悵東軒翦燭談

輿國縣志

卷四十四

藝文 國朝詩

三

蕭相經 字緒士 贛縣人

治平墟集

治平觀舊為曠野張公至惠民恤商甲申冬其
地鬱然成市交易輻輳祥莫大於人和是可紀
也

吾聞治平之觀久廢墟由來政寬民力舒苛政不察刀
錐未如輻輳較爭來趨而今鬱然成市市無虛厥功令
君唯唯否否不自居庶幾年豐人和大書還特書敢告
後來視今猶昔夫何如

瀧上石兀

瀧上水灘石突兀濺江舟道至此而止洪武中
中尉謝世安鑿之以自便運穀民謠曰瀧上石
兀興國貴發癸未甲申以來石忽隆起如舊
異哉瀧之石扼濺水濺水激石聲沸沸天生突兀躡中
流多事鑿伐謝中尉百年砥石復神工嘖嘖民謠徵發
貴

吳

權字超士
吳江人

治平墟集

東海有栽桑未足相驚詫試看激江側在昔成大野流
傳治平觀遺址無飄瓦天遣賢侯臨四郊流雅化通商
興國縣志
卷四十四
藝文
國朝詩
齒
與惠工襁負來遠者攘攘趨墟人晨集不遑夜瑣碎雜
擔荷興作就陶冶孰知榛莽區遂結雞豚社宣力出茂
宰卓魯此其亞所以重循良一邑知天下

瀧上石兀

石下瀧迴波瀾潏聲淙淙瀧上石奇峯崩劣高岌岌水
石相激成文章興國之邑多秀良何年石鑿水奔放坐
令邑中氣凋喪民心悲以思興謠懸記石兀期石兀貴
行發人文鼎盛會有時水神日日激江涘忽聞戶戶絃
歌美知是邑侯政始成操鞭鞭石石爲起侯從鳳皇池
畔來手持玉尺衡羣材他年還去巢阿閣留此片石無

敢鑿

仙潭紫芝

若有人兮在仙潭被霓裳兮御風驂採芝兮滿把將以
詒兮賢者顧澱江兮春水滋草綠縹兮風偃之亦既飲
此澱江之水兮可無茹我仙潭之芝福汝兮佑汝雙鳧
翔兮雲中舉睨皓首之黃綺兮老空山其何補

庭柏鵲巢

猛獸解渡河定知非偶然童兒狎野鳥相遇者其天物
性自可通每出機詐先仁風一鼓盪煦嫗司化權沈沈
邑宰居峨峨宰門前丸丸門外柏有鵲巢其巔哺子弄
典國縣志

卷四十四

藝文 國朝詩

三

毛衣嚙嚙聲相憐不避呵殿嚴不畏人吏喧下視訟庭
中決罰蒲為鞭蒲鞭或不施時向樹底懸始信鸞鳳德
百千勝鷹鷂作詩歌道周採風其聽焉

裘吉光

字羽若新建人興國教諭

治平墟集

數年負郭住千家勝種河陽滿縣花舊日藥池丹井畔
只今處處酒帘斜

魯

京

新城人

瀧上石兀

東海鞭山事有無金華叱石競奔趨人間陵谷尋常事

還得神君名浦珠

蕭承烈

字衣聞邑人
安福訓導

前題

瀧灘滾滾浪花蹙怪石蟠江大如屋三春漲激老蛟鳴
佑舶聞聲膽殼酥昔年中尉患峻嶒攻鑿犬牙如平陸
民謠適足驗前徵中流砥柱隆然復河伯有知地效靈
人文爭共雲根矗

謝大昂

字少文
邑人

庭柏鵲巢

莫謂公庭寂靈禽日夕親郊應無破卵巢故近依人羽

興國縣志

卷四十四

藝文
國朝詩

三

族徵奇瑞林棲格至仁中牟何足異野雉信能馴

呂世璠

字繡佩
邑人

官舍黃芝

鬱勃桑陰下靈根託不羣菁葱盤羽蓋洞徹出卿雲
燦涵金色絲絲綻錦紋神芝真可似截柱獻

明君

鍾谷蘭

邑人

靈山

載酒尋山寺陰森萬壑寒嵐痕迷洞谷翠色上衣冠古
道緣苔滑秋林落葉乾數峯烟帶雨知是霧中看

王學濂

字蓮友
邑人

偕友遊靈山寺

古寺巍然絕壁隈
同人連屐踏蒼苔
層層花影泉流出
嫋嫋琴聲竹送來
玉筍峯頭雲化鶴
白蓮池畔月生臺
山靈未許全探勝
留下清幽惹客迴

陳應春

字卉芳
邑人

秋日偕友遊靈山寺

結伴靈山寺同登
石徑紆蟬聲鳴斷續
雲影畫模糊木落
千崖寂峯高一筍
孤支筇吟望久薄
暮索歸途

蕭承熹

字鹿傳
邑人

興國縣志

卷四十四

藝文
國朝詩

三

遊金斗山

暇日遊金斗巉巖絕壁深險從平地上鳥自半山吟怪石迎人立香蹤藉草尋行行歸路暝猶聽梵鐘音

姚孔鑄

字巢桐桐城
人贛州知府

題呂氏可園

勞勞久不夢林泉到此誰知別有天門掩半潭秋水月
牕開四面曉山煙興懷前哲看題句早得投簪便是仙
竹裏龍孫松下鶴亭亭更愛列風前

謝天翼

字鵬飛清江
人興國訓導

前題

帶郭依岡瞰碧沙朝攀清旭暮棲霞好栽彭澤門前柳
移種河陽縣裏花沼面遊鱗隨意樂樓頭山鳥送聲譁
天光雲影常相護信是東萊文獻家

孔衍倬

字雪帆
錢塘人

烈婦詞

曹氏之死湮沒不傳因與修邑乘里人爲說軼
事如繪其生旣採入志復作短句哀之

漸漸之激水巉巖之厓石水流石可移寸心終不易
二十成婦道上堂拜姑嫜旨酒與甘脆夫子時徬徨
徬徨終夜泣苦我春無宿終夜泣何如歲又穀不熟

興國縣志

卷四十四

藝文
國朝詩

三

夫子何自苦妾命多不辰剜肉可療饑此身難事人
巧炊不可恃嗟來甘餓死之死誓靡他激烈垂青史
死者不可作生者期無媿古來節烈人胡知女史事

牛天昇

字罄宜太谷人
興國營都司

奉周濂溪夫子木主入祀澱江書院二首

首推道學日懸中妙蘊由來太極崇一貫心傳宗孔孟
兩儀性理達西東愛蓮池畔甘棠永折桂峯頭芹藻同
喜得典型猶未墜願言私淑道相通

年來五百道相知猶憶當年講學時博野春遊前蹟古
濂溪歲祀後人師高山斗仰堪爲記霽月光昭可入詩

愧我風塵隣俗弁孔顏樂處未尋思

孔興浙

字道南錢塘人興國知縣

前題

哲人應運日天中濂洛師承合並崇樂事未忘趨硯北
精心直與障川東千秋絕業從今振一綫薪傳此日同
為語升堂諸髦士吟風立雪自相通

曾將庭訓啟新知想見瑩瑩月霽時餘韻至今為善國
瓣香自昔得人師徵公詣力當聞道愧我疎慵不學詩
倘許政閒頻討論綠牕庭草繫相思

一門三節詩為賴朱氏鄧氏劉氏作

興國縣志

卷四十四

藝文 國朝詩

三

郝鍾家法說三長森森江流人未亡松竹梅消寒歲月
冰霜雪沁冷心腸蛩鳴午夜無端咽鴈叫秋汀各自創
寄語三春暉莫報一門荼苦為誰忙

澱江舟中留別四首

青青河上柳絲新縮我行舟上已春執手同袍莫惆悵
月明千里故相親

同官

曉風江上傲輕裝一葉扁舟繫綠楊遮莫旗亭難話別
鶯啼不住水蒼茫

紳士

春風忽忽動離情書幌春寒夜雨生記取曩宵親假館
隔牆遙聽讀書聲

書院

蒙養須端作聖功幼儀嫻習學餘攻率衣此日多情泪
只媿商量句讀中小學

孔興源

字本魯
錢塘人

留贈鍾鑑塘

灑落春風景昔賢菁莪嘉植秀平川珠聯蕊榜欽同譜
劍合花封識舊緣馬帳師承多土化鯉庭指畫一經傳
更需史筆輝梨棗同纂
澱志腹笥由來軼孝先

鍾音傳

字瑤聯
邑人

送柯邵菴師歸潯

彈丸秉鐸十年周解綬懸車素願酬明月照人留古道

興國縣志

卷四十四

藝文
國朝詩

三

春風坐我豁塵眸江州松菊堪娛老澱水山川尚紀遊
此日琳琅收拾去秋來葭露不禁愁

鍾秀源

字受滋
邑人

花橋巖二首

橋橫碧澗水潺湲緩緩步斜亭石徑攀無限白雲連翠壁
洞門深鎖不須關

鑿壁穿雲路欲迷盤迴落落染山暉孤村寂寞人行少
一樹寒松接翠微

送孔邑侯調任靖安

遺愛堪銘治譜淳風存澱水問南津書堂新奠元公席

書院改祀

濂溪木主翰藻長留後學珍

條示學規

書鐫四箴墨綬花軒香拂

楊冰壺玉署月留賓非憐此別棠陰濕李白桃紅亦戀

春謂肄業諸生

鍾自持字履謙邑人

秋日遊對嵩巖二首

古壁青蒼翠欲流虛巖如壑可容舟夕陽霧靄矇矓裏
三十六峯面面秋

歷歷嵩陽在眼前山靈深得史公憐蟬聲蕭瑟西風起
吹斷幽巖一線煙

張文凱字奏平雋都舉人

興國縣志

卷四十四

藝文國朝詩

三

東華寺

老屋三間入翠微支筇偶一叩禪扉勞生借得蒲團坐
聊向空門暫息機

岡巒重疊翠煙環猿鶴無聲風日閒世界如來稱極樂
誰知此境在人間

趙州茶罷日輪低獨下寒煙路欲迷回首看山山不見
鐘聲遙在白雲西

項勳字懋堂彭澤人興國教諭

澱江留別二首

三程遺澤尚依然坐擁寒氈十五年薄宦已經千里外

論文常愛一樽前奇探激水清暉迴秀挹靈山爽氣鮮
敢說扶輪歸大雅高風猶幸仰先賢

深心一片每拳拳訓士難忘砥行先惟願受裁完白璧
更期妙選重青錢新詩惠我情逾摯舊雨懷人思又牽
話別江城無盡意好脩頻望嗣音傳

伍彭年

號遐齋香山
人興國知縣

初抵激江

客路梅花次第催行行遙指白雲堆地多瘠土風宜樸
道鮮游民俗豈頽無水不從雙派合有村皆倚萬山開
一官始任專城責美錦深虞未易裁

興國縣志

卷四十四

藝文
國朝詩

三

望覆笥山

天半旦雲梯迢迢不可躋翠環千嶺秀雄壓萬峯低碧
嶂盤孤鶴飛泉飲斷霓何當探玉牒掃石一留題

訪東龕巖

在昔談遺烈爭傳佐命臣於今探勝蹟猶憶讀書人墨
氣浮青靄文瀾漾錦鱗周遭環十景一一舊精神

史孟和

號琴山溧陽人
進士興國知縣

題蕭母李太孺人五代觀燈詩集

有序

烟齋先生苦志績學履金門上玉堂以奉養乞
歸擁皋比於邑之講舍逾三十年蓋言規行矩

漱江之君子儒也余來承乏茲土晤次出所刻
觀燈唱和詩記并所欲續梓者示余觀其原唱
藹然有真性情同人和章亦多道其事親之孝
夫孝無窮通無出處一也然而詠北山則曰王
事靡盬憂我父母焉詠四牡則曰王事靡盬不
遑將母焉椎牛不如菽水寸草焉報春暉此烏
烏私情所以瀝陳於令伯也今先生淡懷仕進
早賦遂初日承權於太翁太夫人之側藉問字
酒以介眉取束脩羊以致腴白華之潔蘭陔之
馨殆兼有之道光辛卯恭逢

興國縣志

卷四十四

藝文
國朝詩

三三

萬壽聖節燈彩滿城時太夫人神明猶昔先生率丙君
及子孫曾輩侍從出觀踏輦繡之街過列槐之
市聽長生之曲娛不夜之天五代同遊一門福
德極天倫之樂事爲平固之美談以視北山四
牡其勞逸甘苦相去爲何如哉爰爲之敘而繫
以歌曰

漱之水其流駛奔激而不止知止屬何人猗與蕭太史
早辭木天歸來歸來兮不慕臚仕方山嶽嶽而四方兮
似太史之古方繩趨而尺步兮敬待高堂堂有諼兮春
常駐年雖高兮尚健步如潘母之周覽郊圻兮有板輿

而弗御導行兮崔邠扶掖兮桓君尾隨兮馬氏瑜瑤之
秀謝庭蘭之珍龍駕山兮鳳扶輦笙歌沸兮行雲歛
華封祝兮嵩嶽呼金母於茲興不淺既遍歷乎城東復
北遊乎泮宮中有陽都巧製之華炬兮八仙縹緲而玲
瓏廣文先生東道主揖而入兮坐齋廡絳紗都講煮菹
茶於時言兮於時語燈月兮交輝逍遙兮步歸導者導
兮掖者掖扶者扶兮隨者隨道旁觀兮咸稱羨老福婆
婆從古稀太史忻然走詩筆愛日深情溢行墨觀其詩
知其德惟其有德兮是以懽奉慈幃臻大耋兮身其康
吉兮子子孫孫引無極兮

興國縣志

卷四十四

藝文
國朝詩

三

石虎

龍虎名巖古蹟存三台嶺下石還蹲稜生磊塊風威壯
嘯起林皋月色昏沒羽何年當馬路點頭此日伏禪門
金陵王氣空蟠踞滾滾江流日夜奔

石牛

苔作花身蘚作蹄嶄然終古在巖溪神工豈假秦丁鑿
頑質難勝牧子犁春雨常眠田舍北秋風不動夕陽西
樵童錯認爭騎背清唱穿雲暮靄迷

石雁

何來陽鳥集平蕪奇石曾傳覆竒湖汕笈有書非繫帛

洞天無織也銜蘆寒驚瀨水雲痕淡雪印紗峯月影孤
飛翥成羣常應候不知誰主又誰奴

石龜

雲根幾尺枕山腰拂拭苔紋八卦昭風雨年年樓落葉
星霜夜夜應旋杓笑他曳尾泥塗辱憐爾埋頭文字饒
磅礴平川鍾秀異長留神物界

神堯

史書雲

溧陽人
諸生

詠荷包鮑

溧江食品誇珍異圓鮑偏宜佐酒肴風味醇然同竹夾

興國縣志

卷四十四

藝文
國朝詩

三五

形容藐爾肖荷包波心伏處紋疑皺水面浮時練欲交
碧縮蕪絲三寸曳青穿菱線一梭拋錦成海婢何殊貝
綃織湘妃不藉鮫在藻紛披囊采亂戲蓮宛轉珮痕渚
紅纖一一苔衣鎖白小雙雙荇蒂捎入市認將腰袋買
京都花樣已盈庖

沈衍慶

號槐卿石埭人
進士興國知縣

留別溧江士民四首

簿書半載不知閒忽報瓜期挈鶴還肯負初心盟溧水
好畱真面證廬山陽城政以催科拙劉寵車因惜別攀
底事臨歧又回首茅檐痛癢總相關

此邦習尚禮彬彬過化先賢迹未泯集泮有鴉能承戢
穿墉無鼠不難馴冰壺媿乏千秋鑒桃李思栽百里春
易俗移風儒者事願烝髦士率齊民

河流一線萬山中往昔魚鹽利鮮通自是滄桑關地運
莫將耕鑿廢人功賣刀合向田驅犢積粟常防澤集鴻
幸際

太平時節好倉箱處處祝年豐

製錦才疎任匪輕香焚五夜寸心縈懲奸尚破庭邊柱
判牘休談紙上兵官轍者番留雪印前途何處問風聲
驪歌莫更殷勤唱匹馬依依繫我情

輿國縣志

卷四十四

藝文
國朝詩

三六

潘安國

號雲
舉人
輿國知縣

乙卯冬月激江殲賊解圍後賦七律四首示局中
諸君子錄二首

髯雪蕭蕭滿鏡中不才久署信天翁繕修矛戟心原銳
摩撫瘡痍術轉窮魍魎迷方窺皎日鯨鯢跋浪鼓腥風
子衿義憤堪流涕效死爭先作鬼雄

謂生員
鍾燦斗

激江文物盛衣冠慷慨從戎亦壯觀滿地紅巾秋葉脫
橫空白刃曉霜寒摧鋒陷陣談何易奮袂同仇古亦難
信是

熙朝培養厚田夫盡作腹心看

鍾貞女辭

七齡喪所天鸞鏡一破不再圓六旬猶處子河冰千尺
清無滓懽顏奉衰姑兄嫂色愉愉含涕撫兄子痛哉中
道殂媳嗣徽音翼孤雛寒林夜夜唳雙鳥女貞不老天
錫福良人泉下長瞑目

金益謙

號懷谷高安人
進士興國教諭

壬子北上留別激江諸生二首

唱到驪駒意悄然蕭蕭賓雁起遙天四年冷署閒官耐
一紙題名舊念牽信是風塵生有分未妨雲路久慳緣
從今地北天南隔獨賦雞鳴未見篇

興國縣志

卷四十四

藝文
國朝詩

三

贈言臨別且踟躕既為功名只讀書語等芻蕘他日驗
材成杞梓及時儲須從學問求根柢莫向浮游聽毀譽
媿我半生空自負年過四十尚公車

梅雨田

號古芳黃梅人
進士興國知縣

新樂府八章

庚午春課諸
生題錄四章

裁散役

免滋
擾也

兩班排衙擊堂鼓官如虎役如鼠比舍聞風閉柴戶民
如鼠役如虎牌標一役眾役趨總役散役何紛拏總役
師散役徒民之色已墨官之筆始末以役役役官未識
爾功則承爾罪則匿為鬼為蜮簿牒不可以名稽堂階

不可以法執官何遽虎民何遽鼠爾役無煩多多許

巖山禁急樹音也

王政詔山林斧斤以時入材木日所需擗節故須急後
世山虞失其職竊木有刑法不執黛翠不滴童而赤雨
露雖潤日夜息牛羊牧婦孺蝕爾爬疏我剔抉根株拔
沙石泐爨火欲虛河流將塞塞河猶可衝田奈何峻嶺
猶能生植多矧其平岡曼衍連陂陀慎嚴禁蓄煩搗訶

疏河流便懋遷也

邪許邪許上灘舟篙工十人九人愁昔兮湍瀨淘石骨
今兮沙礫膠河河流瀾瀾水清見底貴者鹽賤者米

興國縣志

卷四十四

藝文國朝詩

三

載鹽欲上在河之沚載米欲下在河之渙舟行不利行
且止懋遷有無今已矣誰纘禹功惟變則通不通胡久
物將窮巖爾山禁順爾水性宜鬱導塞功在萬姓

絕鶯粟清盜源也

人無欲可語於道人非貧不至於盜今有嗜好伊古無
曰阿芙蓉詳本草一名鶯粟誰製造兮無夙與暮任顛
倒兮無男與女舒窈糾兮是晏安也毒於酖酖毒不過
速殺人縱爾欲累爾貧喪爾品而後喪爾身誰揮慧劍
斬其根即今

嗣皇律令申除其舊染咸與新吁嗟乎桑麻之世界乃

以鶯粟煩耕耘

激江雷別五首錄四首

回首前程感不禁孤舟宦海久浮沈幽并十載壯吾氣
章貢雙流澄乃心蓬轉此官徒聽鼓花栽何縣任鳴琴
魯肥杞瘦從人議一宿蘧廬思總深

白沙歷歷淺膠舟五日南風去更留同爾虔心祈泰雨
虛吾初願濬河流晒將公累煩諸友尚有行人說故侯
盛暑不妨三伏酷城南榕樹綠陰稠

半載兼留文字懽殷殷父老與盤桓道南或指喬公宅
舍北頻分杜老餐木客吟遊山有月葛洪吏隱井無丹

興國縣志

卷四十四

藝文
國朝詩

三五

東龕石室仙潭瀑悔不題碑後世看

片帆挂處卽天涯尚有丹忱半寸奢碧樹林疏勿樵牧
菘蕪屯廢未桑麻十年戎馬銷兵氣一紙冰蠶誌夢華
更爲故人歌踏送青蓮詠仿碧潭花

蕭朗峯

號炯齋邑人翰
林院庶吉士

萬壽聖節偕丙子攜兒孫曾輩侍母太孺人夜出觀燈

口占

街燈戶綵祝

堯年萬姓懽瞻不夜天得奉慈親遊

壽宇烏私此際倍忻然

燦爛華光市四圍中秋月上更添輝魚龍百戲尋常有
錦繡乾坤亘古稀

來歌去舞幾晨昏我出偏招眾口論笑語聲中頗聽說
前抆老母後重孫

人踪交錯步難行讓路叨傳翰苑名慙媿辭

朝逾廿載全家猶荷

聖恩榮

段東暹

號子昇分
宜人舉人

救荒行有序

子賓先生以翰林出守辰州下車以後政平訟

興國縣志

卷四十四

藝文
國朝詩

四

理興賢育才士民愛戴循聲卓著而其最著者
尤在救辰荒辰州山多田少土瘠民貧亡酉夏
大水斗米千錢萬口罄罄計無所出先是三月
間先生若逆知其荒卽捐錢議買穀境內無穀
上游穀船之貿易常德者每船準辰價買十石
或五石得穀三千餘石儲積義倉豫備不虞至
是乃碾粟爲粥以食餓者且出穀貸民老弱給
以錢示體恤士亦如之示優禮饑民之在遠鄉
者運穀分賑示遍及恐不繼又親勸殷實有穀
捐穀無穀捐金倉穀未完而捐穀至猶恐不繼

更捐廉俸數千金遣人糴於鄰封限以期捐穀
未完而糴穀至民賴以生全活無數而先生日
坐義倉晷一粥經營民食晝夜不倦者三月於
茲於是辰民饑若未饑水若未水蓋所以救之
者得其道也余故樂紀其實作救荒行

豐年四野被嘉禾人家稠密俗安和我行楚南九百里
辰陽喜聞樂歲歌父老扶筇在道左怪我懽欣揖我坐
謂我祇見穀穰穰不見去年絕煙火去年辰州水汪洋
田無可耕市無商斗米千錢何處買十二都鄙少餘糧
眼看餓殍填溝壑縱使轉徙亦他鄉自來三嵎地原瘠

興國縣志

卷四十四

藝文
國朝詩

三

民貧邇堪復奇荒我聞父老言疾首借問誰活數萬口
父老殷勤前珍詞活我萬民賢太守請言使君慈詳告
丈人知但感使君德未言先滄泱當其遭大水傍徨欲
鬻子使君咨嗟曰勿鬻民子吾子爲之理當其大水阻
展轉欲賣女使君搖手曰勿賣爾家失所爲之所使君
籌畫積儲資救荒政備未荒時倉猝凶荒先有恃臨事
賑貸在斯須一見枵然腹頃刻煮粥糜一聞聲嗷嗷簡
從出撫綏日坐義倉下義倉粟許步窮鄉距倉遠運穀
遍及之老弱青錢陌體恤意無遺又恐難繼續鶴俸不
敢私數千金爲倡富戶樂解推又恐莫接濟告糴快馬

馳重價鄰封糴敦促勿稽遲倉穀猶未盡捐穀積如坻
捐穀方廩集糴穀到辰期四境安堵恃無恐繞郭萬家
賴以炊不待民饑日使君憂民饑不待災黎告使君淚
久垂經營閱三月晝夜心在茲豢養辰陽萬民飽勞瘁
使君一人疲小人今年歲逢熟都受感召祥和福小人
去年死而生曾食仁人荒年穀黃犢嚙草六夜眠總由
富范作司牧不然顛連死亡繼敢望安全居聚族此言
我喜傾耳聽願將善政著爲經吁嗟安得子駿百天下
到處一福星

辰山行有序

興國縣志

卷四十四

藝文 國朝詩

聖

辰所治皆山也舊傳郡東南牛金山金穴在焉
適子賓先生守辰上憲檄開礦辰山募工采之
三月並無金因停采顧民愚而妄冀其有也於
是竊挖者起多至百千萬人勢甚洶洶或請調
兵壯擊之先生不可曰此誰非吾赤子誤觸法
網非有他也且歲大荒聚者饑餒之民激之恐
生變遂單騎馳往曉以利害皆叩頭去夫眾聚
至萬散之俄頃非平日有以深信於民曷能致
此爰作辰山行以誌之

辰陽萬山山千尋祇有頑石那有金辰陽山谷多居民

居民十戶九戶貧來辰距城百五里馬底老吏爲我指
指示太守愛民恩恩德長留此山裏爲言往歲采金請
采金先試采金礦楚南山多數三崕金穴傳在牛金境
使君捧檄不徘徊募工披沙山鑿開開山用盡五丁力
不見神仙縹緲臺朝朝河邊淘渣滓五日十日僅瓜子
廉明使君知無益上告大府報停止詎意小民愚復愚
僥倖一有不知無罔顧鑿空力徒費妄想摸金口可餬
自從官廠罷盜竊繁有徒始猶十餘輩繼而百千俱百
千人已眾浸淫况萬夫此時蜂蟻紛紛集強悍儼然虎
負隅議者爭欲從嚴峻謂不畏法盍盡誅或請遣健卒

興國縣志

卷四十四

藝文
國朝詩

四三

一一用繫拘或請調兵勇急擊勿使通使君嘆曰嗟若
此胡爲乎此皆吾赤子自我視若雛可憐無知識矧乃
迫饑驅驟加桎梏心不忍激變倉猝更可虞畢騎馳往
名馬快出迎使君馬羅拜使君招眾汝來前剗切詳明
爲誥誠萬眾伏地叩首言小人深受使君恩使君仁恩
洽四屬四十八村恩尤沃眾聚至萬罪非輕罪應問死
使君生大開文網生生路吾儕願去事農耕俄頃懽呼
齊解散山中肅然鳥相喚一路清風明月涼使君歸來
夜未半我聞吏言增景仰景仰平日能教養四載百姓
信孚心無怪感化應如響

孫鼎臣善化人翰林

過辰州喜見鍾太守德政

昨從潯陽沂朗水洪波洶洶北風駛天長大澤鳧雁叫
泥深巨壑魚鼈喜眼看流徙在道途心念瘡痍為鄉里
竭來騎馬辰山巔泉甘樹美多人煙山田六月打新稻
斗米乍可值有錢我問父老胡能然開口競說太守賢
太守風流玉堂仙出乘五馬名城專郵亭人暇桴鼓臥
公庭吏靜蒲鞭懸古之循吏與誰似德似魯恭威董宣
黃雞啄粟牛在田外戶不閉犬夜眠太守報最行當遷
爾曹努力勤春暝武陵卻望心茫然

輿國縣志

卷四十四

藝文 國朝詩

四

韓啟標沅陵人候銓知縣

頌都伯鍾老公祖德政

翼翼使君以民為命汝戶不豐汝士不令維予夙夜匪
疚斯病峩峩髦士肅集講堂期汝國器睇汝天閭口授
圭臬無狃故常瞻彼金山巉巖蒼蔚其側蟻屯厥勢若
沸赫赫憲典愍然弗畏豈無弓弩懼懼非辜豈無鞭笞
恤汝饑驅片言宣諭覺汝痴愚淼淼洪水一葦莫杭兒
啼於路婦歎於房孰呼庚癸首山可望亦有高廩為汝
貸之亦有秦粟為汝載之凡民之生使君賚之沈沈鎖
院既傾且陋使君指授開基闢址匪侈孰我掄才之始

門闕皓如堂構曉如廊簷晶如棖桷裊如瑰麗輝煌臺
省兆如有蠹者阜峙彼中流歸然大利雲鬱風颺匪矜
舍利以爲民休辰山巍巍西水粼粼使君之澤山高水
齋昔時礦徒今也齊民昔時流徙今也比鄰不識龔黃
不知召杜但願使君永庇斯土北風凜烈忽聆驪駒茅
檐聚語奔走狂呼攀輪臥轍此情難攄但祝使君八州
作督顧瞻雁渚我公能復

鍾啟峒

號伯平邑人編
修翰林院侍講

恩賞雉鳥魴魚恭紀七律一首

拜手

輿國縣志

卷四十四

藝文
國朝詩

聖

堯階荷賜腥八珍未識膳夫經錦裁疊羽臨風翠銀刷
潛鱗帶凍青散莫飛鳴呈瑞彩尚期喁噲躍滄溟高深
此日

恩汪濊七箸初嘗齒頰馨

庚申五月初九日

皇上三年萬壽聖節恭紀七律三首

昌期桃報瑤池熟南極星輝射斗牛五福

聖人方

建極萬年

天子共揚麻瞳矐日月輝雙闕錦繡山河奠九州西苑

薰風通

紫禁管絃處處起歌謳

羣公三祝玉階前

功德巍巍

景福全靜極固知

仁者壽

乾行莫測健如天八方劍佩環

宸極重譯梯航拜仗前南北車書今混一海隅日出繞

祥煙

三年給札步

興國縣志

卷四十四

藝文
國朝詩

四六

彤墀令節隨行進玉卮

異數特邀五夜燭

新恩許託萬年枝白環銀瓮

清時瑞綉帙牙籤

聖德詩惟願

皇躬長介福岡陵永護

太平基

奉

旨派咸安宮總裁恭紀七律一首

四部紛綸羣玉堆編摩

首命並蘭臺似知詩是吾家事特地
恩從天上來僞體別裁回格律殘篇採掇集瓊瑰英華
文苑猶能續滴露研硃彩筆開

釋普誠 號自清邑
迎仙菴僧

靈山

偏覺攀躋興益饒孱顏怪石矗層霄路穿一線蠶叢密
寺隱千峯翠浪搖響谷泉聲清客話入林天籟絕塵囂
窮幽更到雲深處且拄吟筇俯泱寥

釋實選 號次燈瑞金
人靈山僧

仙女潭獲紫芝二本獻張明府

興國縣志 卷四十四 藝文
國朝詩 四七

靈草何年植續紛在水涯色分紫府玉莖綴赤城霞敢
比祥符獻聊從綺季誇使君傳博物鄴架更抽牙